



UNIVERSITÄTS-  
BIBLIOTHEK  
PADERBORN

# Constitvtiones Et Declarationes Examinis Generalis Societatis Iesv

Romae, 1570

De Qvibvsdam Interrogationibus ad eos, qui ingredi volunt, magis  
cognoscendos. Cap. III.

---

[urn:nbn:de:hbz:466:1-68423](https://nbn-resolving.org/urn:nbn:de:hbz:466:1-68423)

CVM DECLA. C. III.

12

de quo illi, qui vt indifferentes admittuntur. Et primò quidem attingitur, quod ad personas pertinet, deinde quod illis est obseruandum.

DE QUIBVSDAM IN-

terrogationibus ad eos, qui ingredi volunt, magis cognoscendos.

Cap. III.

1 **A**D maiorem personarū notitiam aliqua sunt interroganda, quibus\* verè omnino, & sincerè respōdere oportet: & siquid erit, quod secretum requirat, id obseruabitur, vt par erit, & interrogato placuerit. Incipiendo itaque à nomine, interrogetur primū, Quo nomine vocetur, Quot annos natus sit, Quæ sit eius patria.

2 An sit ex legitimo matrimonio, nec ne: quod si ex illegitimo, quo pacto id sit, interrogetur; Num à progenitoribus iam olim Christianis, an à modernis descendat.

An aliquis ex eius progenitoribus notatus fuerit, vel declaratus ob aliquem errorem contra nostram

Christianam

In Cap. III.

**A** **O**BLIGATIO vera dicēdi in examine ad peccatum esse debet, & quidem eidem, cui, quod celatum est, aperendum erat, vel qui eius locū teneat, reseruat; vt fraus euitetur, quæ locum habere posset, si quis sincerè suo Superiori animum suum non declararet: vnde incommoda, & quidem in tota Societatis non mediocrem detrimentū possent oriri.

Christianam Religionē, & quo modo id sit.

An patrem habeat, & matrem; & quæ sint eorum

**B ¶** Si præsens, et extrema necessitas auxiliij eorum vrgeret; constat, huiusmodi admitti nõ debere.

Rarò tamen huiusmodi necessitas solet accidere.

**C ¶** Si spondisset per verba de præsentis matrimonij consummãdo, vel modo aliquo pari: duceretur is quartum habere impedimentum, cum quo nemo in Societatẽ admitti potest; nisi adsint cõditiones illæ, quæ exiguntur, vt coniugatus religionem ingredi possit.

nomina: Quæ conditio, & officium, & modus viuendi sit illis: & an rerum temporalium \* penuria prematur, an illarum commoditate potiantur, & quo pacto id habeat.

Si quo tempore in difficultatem, vel dubium aliquod incidere circa æs alienum, vel quòd teneatur subuenire parentibus, vel consanguineis in spirituali, vel corporali, vel quauis alia temporali necessitate constitutis, eos inuisendo, vel alia ratione, num proprio sensu ac iudicio deposito, conscientia, vel iudicio Societatis, vel sui Superioris id velit relinquere, vt cum statuerit illud quod in Domino iustum esse senserit, ei acquiescat.

Quot fratres & sorores habeat, & quis eorum sit status, num matrimonij, an alius; Quod officium, aut viuendi modum habeant.

Num aliquãdo \* verba ediderit, quæ ad matrimonium illud obligare videantur, & quo pacto id sit.

An

An habuerit, vel habeat filium aliquem.

- 6 Num habeat æs alienum, aut ciuiles obligationes: quod si habeat, quantæ & quales eæ sint.
- 7 Num didicerit artem aliquam mechanicam.  
Num legere, & scribere sciat: & si scit, probetur quo modo vtrumque faciat, si aliunde non sciretur.
- 8 Num habuerit, vel habeat morbum aliquem occultum, vel manifestũ, & qualẽ; eum speciatim interrogando, num vexationem aliquam stomachi, vel capitis, vel quoduis aliud impedimentum naturale, seu defectum in aliqua sui parte patiat, & hoc non solum interrogetur, sed, quoad fieri potest, inspiciatur.
- 9 Num aliquos ordines Ecclesiasticos susceperit.  
Num aliquam obligationem voti habeat, quale est peregrinationis, vel aliud quodcunq;.
- 10 Quem modum, vel animi propensionẽ habuerit in tenera ætate, & postea hucusque ad res suæ cõscientiæ salutiferas, primũ circa orationem, quoties orare solebat interdium & noctu, quibus horis, qua corporis compositione, quibus orationibus, & cum qua deuotione vel sensu spirituali.  
Quo modo se habuerit circa audiendas missas, & alia diuina officia, & conciones: Quo modo circa lectiõnem rerum piarum, & bonorum virorum familiaritatem: Quo modo circa meditationem, vel considerationem rerum spiritualium.
- 11 Interrogetur, an habuerit, vel habeat conceptus aliquos vel opiniones ab ijs differentes, quæ communis

munis

**D** § *Personarum huiusmodi electio; quibus se iudicandum relinquere debet is, qui in huiusmodi difficultatibus versatur; penes Superiorem erit, si subdito ea placuerit, vel penes subditum, si Superior eam approbauerit; cui si in casu aliquo, & propter causam aliquam iustam videretur ad Dei obsequium fore, maiusq; auxiliū illius, qui huiusmodi difficultatibus laborat, vt aliquis, vel etiam plures eorum, qui iudicaturi sunt de eis, extra Societatem assumantur; permitti poterit; electione tamen, vel saltem approbatione eorum penes Superiorem (vt dictum est) manente.*

*Si difficultates huiusmodi ad personam ipsius Superioris pertinerent; electio, vel approbatio, de qua diximus, penes Consultores erit. Qui tamen Praeposito Generali vel Prouinciali inferior esset, sine alicuius eorum facultate, licet Rector sit Collegij, vel alicuius Domus Praepositus, nec constituere poterit, nec permittere, vt huiusmodi difficultates ad suam personam pertinentes arbitrio aliorum extra Societatem subijciantur.*

Societate

Societate, qui doctrina & probitate sint præditi, sententijs.

13 An omnino decreuerit sæculum relinquere, & consilia Domini nostri IESV CHRISTI sequi.

Quam dudum decreuerit, in genere scilicet, mundo renunciare. Postquam id apud se statuit, an in ea animi sententia remissior factus fuerit, & quatenus. A quo tempore desideria hæc renunciandi sæculo, & cõsilia Christi Domini nostri sequendi suboriri ei coeperint, vel quibus signis, aut causis ad id mouentibus ei in mentem venerint.

14 Num deliberatum habeat animi propositum viuendi & moriendi in Domino cum hac, & in hac Societate IESV Creatoris & Domini nostri; & à quò tempore, vbi, & per quem primum ad id motus fuerit.

Si negaret se à quoquam de Societate motum fuisse, progrediendum erit vltcrius: si affirmaret se fuisse motum (quamuis licitè, & cum merito moueri potuisset) ad maiorem tamen ipsius vtilitatẽ spiritua-lem fore videtur, si tempus ei aliquod præscribatur, vt ea de re cogitando Creatori & Domino suo se totum commendet; perinde ac si nullus de Societate ipsum mouisset, vt maiori cum robore spiritus procedere ad maius obsequium & gloriam diuinæ Maiestatis possit.

15 Si post huiusmodi considerationem sèserit ac iudicauerit sibi ualde conuenire Societatis ingressum ad maiorem laudem & gloriam Dei, & vt melius

B saluti

saluti, & perfectioni tum animæ suæ, tum proximorum suorum incumbat; & postulauerit in eandem nobiscum in domino admitti, tunc ulterius in examine procedi poterit.

### DE REBUS QVIBVSDAM

quas præcipue scire eos conuenit, qui in Societatem admittuntur, ex ijs, quas in ipsa obseruare debent.

#### Cap. IIII.

**P**ROPONATUR illis, quòd hæc mens fuerit eorum, qui primi in hanc Societatem conuenerunt, ut in ea ij admitterentur, qui sæculo renūciassent, & Dei seruitio se omnino mancipare siue in hac, siue in alia Religione statuissent. Quocirca quicumque Societatem ingredi uolent, antequàm in domo aliqua, uel collegio eius uiuere sub obedientia incipiant, debent omnia bona temporalia, quæ habuerint, distribuere, & renunciare ac disponere de ijs, quæ ipsis obuenire possent: Eaque distributio primùm in res debitas, & obligatorias, siquæ fuerint (& tunc, quàm citissime fieri potest, prouidere oportebit) Si verò tales nullæ fuerint, in pia & sancta opera fiet, iuxta illud; Dispersit, dedit pauperibus; Et illud Christi; Si uis perfectus esse, uade, & uende omnia, quæ habes, & da pauperibus, & sequere me: Dispensando tamen hæc bona iuxta propriam deuotionem, & à se omnem fiduciam sub mouendo